

唐·成玄英疏

老子義疏

廣文書局印行

唐·成玄英疏

老子義疏

廣文書局
印行

中華民國六十三年三月初版
中華民國一〇二年四月再版

老子義疏

平裝一冊定價：新台幣四九〇元

疏者 唐・成 玄 英

發行所 廣文書局有限公司

地址：新北市中和區華新街一一三巷二弄六號

劃撥帳號：〇七一七四五六九號

電話：(02) 86685204

傳真：(02) 86687399

E-MAIL：kwangwen@gmail.com

行政院新聞局局版臺業字第零捌參貳號

ISBN 978-957-9194-81-5

國 殤

宋李公麟九歌圖本清蒲雲注仿
民國三十四年七月崇慶楊正芳重摹



駢日戰祿中統輯
畧昂成疏餒功止日
譖諱勝初產承不祥
羣主忠桓拳願國觴
穀魄昂證三清拜禮
兆張中承不丁寧肅

道德經義疏序

有守於抗日戰期中受命典蜀學政以四川為
復興基礎而文化事業類多未備爰首建圖書
博物館科學各館以鹽亭蒙文通君治學精勤任
以柱下之守邦之人士咸慶得人維時蜀與國
內外交通既阻求書匪易值亦漸昂而公帑尤
奇絀有守勉力為助三四年間幸聚書四五萬
冊雖全部度藏未臻美富然固已竭其棉力此

中艱苦人所難知多以收藏善本為詢者蒙君
笑曰善本豈易得哉余惟日坐其間新勘善本
耳蓋每得世所稱明清精刻蒙君恒以未盡美
善為憾日偕館中諸子以舊本舊鈔與群籍相
校校數年之中所校書計二十餘種以史通文
心雕龍為最精以書苑菁華墨池編校法書要
錄為尤貴緣墨池書苑同出要錄三書皆無善
本蒙君用相互校復叅之類書文集是心羨奪

易其謠誤然後三書胥有精本斯則有閭學術
非獨勘校之勤也今歲秋間蒙君復從道藏唐
人著述中輯得唐西華法師成玄英老子義疏
則更為奇蹟夫成疏之亡已千餘載唐之末季
或已不完僅強思齊玄德纂疏頗多徵引因強
書以驗顧歡注疏之稱疏曰者亦成氏疏也自
宋李霖取善集等以下或亦頗存成說蒙君叅
合輯錄除其重複者秦半而成氏之疏復有完

籍錢君賓四見而歎曰有清二三百年間所輯
逸書率多殘帙何意今日竟得全編非治學精
勤者惡能獲此蓋蒙君初從唐人著述中校出
是疏輯錄成帙疑若完整猶未敢必其無所佚
漏嗣以羅叔言影印燉煌唐寫老子義疏殘本
一卷與所輯本相校竟輯本優於唐寫始決成
書之為完璧也又蒙君既校成疏略竟乃復知
成公之經與強顏諸家所據經皆不能合深惜

西華之疏雖備而西華之經竟亡爰更取老子
異本數十種勘之最後始決唐遂易二州龍興
觀道德經碑最與成公經合爰據遂碑以求成
公之經偶有違者更以易碑輔之即無一不符
凡成疏之章損其句句損其字若有關佚者二
碑皆與相同然後知成公之疏為完疏二碑之
經亦完經而校經之難又倍蓰於校疏也於是
西華此書經與疏字字皆從唐出以云善本則

其超於宗槩明鈔不已遠乎豈僅得不傳之籍
於千載之後而已哉先是博物館長馮君漢驥
既發掘王建永陵為世所貴今蒙君茲考亦可
以抗顏行兩館諸同志固能無慙於職司而有
守年來殷勤輔導之意庶亦差足自慰耶雖然
千載沉埋之籍得之自不易校之亦大難謂宜
多求異本虛心從事一字苟益賢於球璧吾聞
巴黎所藏燉煌古籍老子疏一至五卷皆有寫

本每章之首備言各章相次之故正與成疏合
殆即成書羅氏影印燉煌此疏時未檢道藏乃
誤疑其疏為孟智周書則巴黎之各卷當亦不
能定為誰作今者成疏既顯可以持校或即從
燉煌寫本而證成疏早有完書未可知也吾曾
託法人李佳樂為致巴黎此疏五卷影片欲校
茲輯述以交通阻滯未可遽得或當期諸異日
今成疏一卷中始四章至九章適為顧本缺卷

僅賴強本輯錄疏文而三卷始三十二章至三十四章則強本所徵成疏已有佚缺又僅賴顧本為輯取之據故此數章文多疑異更觀此本序決之文即復顯有謠奪是安可必新輯之疏定無一誤耶昔阮伯元於道藏中得成公莊子疏及老子頌歡注疏定為張道相集解俱寫以呈進並列於四庫未收書中則阮氏既識顧書中有成疏矣是殆由強思齊書而決之知阮氏

亦為合研強顧兩書者今蒙君亦由二家書中
察見成書之全與阮氏術同然阮氏不先輯出
成疏完帙而留待蒙君者或未嘗詳審疏文疑
其殘缺故弗致力耶阮氏一間未達者蒙君以
考校之精勤而得之又阮氏定顧歡注疏為張
道相集解蒙君獨定顧書為李榮集解所考論
皆視阮為精密夫前賢以考校偶疏致此鉅大
發見遺之後人茲苟不慎顧以今日之疏復遺

後人以口實耶今蒙君所據顧強二家書為正
統道藏嘗聞海內所存尚有北宋藏有金藏有
元藏明初復有南藏皆在正統之前又阮氏進
呈未收書多得之天一閣老子顧歡注疏莊子
成疏天一閣所藏皆明時鈔本於後嘉業堂所
刻宛委別藏中存之顧歡書應皆出天一閣胥
足正正統道藏而為今者此書校勘之助顧徐
徐求得博考復校俾此書益臻完善又不但一

巴黎寫本已也蒙君別有校理成玄英老子義
疏敘錄數萬言載圖書集刊第七期附闡重玄
之妙義紬繹老氏之墜緒茲不詳述但舉有裨
此書校事者論之敘錄中依甄鸞笑道論定張
係師為張衡以損字本五千文出於此為成公
及遂州碑之所據余按登真隱訣云隱居云老
子道德經有玄師楊真人手書張鎮南古本鎮
南即係師魯係師內經有四千九百九十九字

由來闕一是作三十幅應作卅幅蓋從易省文耳非正體也茲所陳義或足為蒙君之一助而復小異甄鸞為北周人隱居值梁武世殆南北所傳又各殊耶宜更考之此書方將付印余適有倫敦之行未觀厥成然蒙君固告余此書為其尊人君弼先生手錄漬石時苟有一字之誤不憚改印全頁其精美可以想見他日書成問世方將與學林共賞之固不獨有守一人之快